

**Thuso ya mmuso
setjhabeng e
fetola maphelo**

Leqephe 5



**Mapolasi a
KwaZondi
a fumane
tshehetso**

Leqephe 10

**E na le Di-
papatso tsa
Mesebetsi
Kahare**

Matlafatso ya mokgwa wa tlhokomelo ya bophelo bo botle Aforika Borwa

Amukelani Chauke

Jwalokaha naha e tswela pele ho kenya tshebetso lenaneo le leholoholo la kalafo ya HIV le AIDS lefatsheng, Letona la Bophelo bo Botle Ngaka Aaron Motsoaledi o tsebisitse ka merero e ka sehloohong e reretsweng ho eketsa twantsho ya HIV le AIDS.

Lenaneo lena, le qadileng ka 2010 ka ho kgakolwa ha letsholo le leholoholo la ho etswa ha diteko lefatsheng – le bitswa Letsholo la ho Thoba Maikutlo le ho Etsa Diteko la HIV (HCT) – moo maAforika Borwa a 18 milione a ileng a etswa diteko tsa HIV le AIDS nakong ya dikgwedi tse 18.

Kajeno, ke maAforika Borwa a 10 milione a etswang diteko ka selemo.

Letona Motsoaledi o tsebisitse hore ho tloha ka Loetse Monongwaha, bakudi bohle ba nang le HIV ba tla fuwa kalafo ya dianthiretrovaerale (di-ARV), ho sa natsehe hore na palo ya CD4 ya bona e kae.

“Ka Loetse monongwaha, re tla tlosa palo ya CD4 e le yona setataisi sa hore motho a fuwe kalafo ya ARV kapa tje. Re tla hahamalla ho etseng diteko le ho alafa ho ya ka mekgwa e metjha ya tataiso e ntshitsweng ke Mokgatlo wa Lefatshe wa Bophelo bo Botle (WHO) ka Tshitwe ngwahola.

“Ho feta moo, re tla fana ka *Pre Exposure Prophylaxis (PrEP)* ho diotswa, ka mananeo a diotswa a 10, ka Phuptjane monongwaha ebile re tla qala ka ho ithuta dithuto tse tswang diporojekeng tse bontshang ka moo re ka fanang ka PrEP kateng ho tsona, pele re ka fana ka mohato ona wa ho kena dipakeng ho basetsana bohle ba kotsing,” o itsalo ha a ne a teka Puo ya Ditekanyetso ya lefapha Palamenteng haufinyane.

Letona le boetse la re kgwedeng ena mmuso o tla thakgola letsholo la dilemo tse tharo le reretsweng ho fokotsa ditshwaetso basetsaneng, esita le ho eketsa menyella ya moruo ho ba tshireletsa kgahlanong le di-sugar daddy.

“Re tla kgakola letsholo la dilemo tse tharo le tla tsepamisa maikutlo bananeng le basetsaneng ba dilemong tse dipakeng tsa tse 15 le tse 24, esita le banna ba ba tshwaetsang ba bile ba ba emarisa,” o itsalo.

Letsholo le tla tsepamisa maikutlo dintlheng tse hlano tse ka sehloohong:

- Ho fokotsa ditshwaetso bananeng le barwetsaneng
- Ho fokotsa kemaro ya basetsana
- Ho fokotsa tlheketso ya motabo le ya

bong

- Ho boloka banana ba le dikolong hofihlela ba qeta materiki
- Ho eketsa menyella ya moruo bakeng sa basetsana e le ho leka ho ba tlosa ho di-sugar daddy.

O itse sena se tsamaisana le sepheo sa lefapha sa ho fihlella maikemisetso a Morero wa Ntshetsopele ya Naha (NDP) wa ho fokotsa morwalo wa bolwetse, ho ba le tebello ya ho phela ya dilemo tse 70 ka 2030 esita le ho ba le moloko wa ba katlase ho dilemo tse 20 o se nang AIDS.

“Letsholo lena le tlameha hore e be la mmuso le setjhaba mme le etellwe pele ke batjha,” o itsalo.

Letona le itse letsholo lena le tla ja tjelele e kaalo ka R3 bilione mme le tla atlehiswa ke ditjhelete tse tswang ho Morero wa Tshohanyetso wa Moporesidente bakeng sa Kimollo ya Mathata a AIDS (PEPFAR), Letlole la Lefatshe Lohle, Lekgotla la Ntshetsopele la Germany (GIZ) le mafapha a mmuso.

Ho shwa ha batho ka lebaka la AIDS ho fokotsehile Aforika Borwa ho tloha ho 320 000 ka 2010 ho ya ho 140 000 ka 2014, le phetisetso ya HIV e tlohang ho mme ho ya ngwaneng e fokotsehile ho tloha maseeng a 70 000 ka 2004 ho ya ho a katlase ho 7 000 ka 2015.

“Jwalokaha le bona, tsena ke dikatleho tse tsotelang. Empa le tla hlokomela hore dikatleho tsena di susumeditswe haholo ke Bokenadipakeng ba *Biomedical*.

“Ha ho tluwa lehlakoreng la bokenadipakeng ba boitshwara ba setjhaba, ho a nyolosetsa, haholoholo bananeng le basetsaneng ba dipakeng tsa dilemo tse 15 le tse 24. Mokgoping o dilemong tsena, ho na le ditshwaetso tse ntjha tse 5 000 ka beke dinaheng tse 14 tse ka Borwa le tse ka Botjhabela ba Aforika – empa halofo ya tsena e etsahala Aforika Borwa feela,” ho itsalo Letona.

Letona le boetse la re mananeo a matjha a tla ja mmuso tjelele enngwe e ekeditsweng e R1 bilione tekanyetso ya monongwaha, eo Lefapha la Matlotlo a Naha le seng le e ntshitse ntle le maemo a mpefetseng a moruo.

BOLWETSE BA LEFUBA E NTSE E LE BONA BO BOLAYANG KA HOFETISISA

Hona moo, Letona le itse leha HIV le AIDS di dula di ngongorehisa, Lefuba (TB) ke lona lefu le bolayang batho.

O itse leha ho shwa ho bakwang ke TB ho fokotsehile ho tloha ho 70 000 ka 2009



Letona la Bophelo bo Botle Ngaka Aaron Motsoaledi o tsebisitse ka merero ya mmuso ya ho lwantsha HIV le AIDS.

ho ya ho katlase ho 40 000 ka 2014, e ntse e le yona e bolayang batho ka hofetisisa mafung ohle a tshwaetsang naheng ya rona, esita le lefatsheng ka bophara.

“Haesale letsholo la tlhahlobo le ne le kgakolwe ka Letsatsi la Lefatshe la TB ka la 24 Hlakubele 2015 ke Motlatsi wa Moporesidente President Cyril Ramaphosa, ke motlotlo ho tsebisa hore re hlalobile ka katleho diketekete tsa batho makaleng a kotsing a ditshebetso tsa tshokollo ya batshwaruwa, dibakeng tsa merafo le tsa sekamerafo.

“Monongwaha re tsepamisitse maikutlo bomasepaleng ba baholoholo ka sepheo sa ho hlaloba batho ba 1,3 milione,” o itsalo.

Letona le itse lefapha le tla fumana dithuso tsa ditjhelete tse kaalo ka R4,2 bilione Letloleng la Lefatshe, e le ho tshahetsa dikarabelo tsa mmuso tsa HIV le TB.

SESEBEDISWA SE SETJHA SA DIKHOMPHYUTHA SA HO BEA KGAELLO YA MERIANA LEIHLO

Letona le itse enngwe ya diphephetso tse

kgolokgolo tse bopang maima a bolwetse bona naheng ena, ke ho fellwa ke meriana – ntho e bitswang phello ya meriana.

O itse e se e le nako e teletsana lefapha le ntse le henahanana le bothata bona.

Lefapha jwale le se le kentse tshebetso mokgwa wa sesebediswa se beang boteng ba meriana leihlo, se tsejwang ka hore ke SVS ditleliniking tsa tlhokomelo ya bophelo bo botle.

“Sena ke sesebediswa sa hloma o hlo-molle seo basebetsi ba maporofeshenale ba bophelo bo botle ba se sebedisang ho skena di-barcode tsa meriana ebe ba kenya boemo ba di-ARV tse teng, meriana e lwantshang TB esita le dithibela mafu.

“Lesedi lena ke le nepileng mme le a fumaneha kae kapa kae, ka inthanete,” o itsalo.

Letona le itse diporofense tse tshelletseng di na le SVS e akaretsang 1 900 kapa 60% ya ditleliniki tsa naha ena.

O itse merero ya ho etsa hore 100% ya

> E tswela pele leqepheng la 2

DITABA TŠE DI AKARETŠAGO

Government and citizens to interact more



Government has come up with creative ways to improve and ensure that there is constant communication with its citizens.

Amukelani Chauke

South Africans will soon experience even better interaction with government.

The Government Communication and Information System (GCIS) will spend over R300 million on programmes that will improve communication between the state and citizens, said Communications Minister Faith Muthambi when she tabled the department's Budget Vote.

The National Development Plan emphasises the need to unite South Africans around a common goal – ensuring that citizens are active in their own development and build a capable and developmental state.

"This partnership is as a result of our community outreach programme in far flung areas of our country.

"To support these outcomes, the GCIS will continue to implement programmes aimed at facilitating two-way communication between government and its citizens," she said.

The Minister explained that the partnerships would enable citizens to access information about government policies, plans, programmes and activities to promote government accountability and ensure that citizens can actively participate

in government initiatives.

"In order to fulfil this responsibility, a budget of R382.1 million has been allocated to the GCIS," she added.

GOVERNMENT THROWS ITS WEIGHT BEHIND COMMUNITY RADIO

The Minister said supporting community radio was a priority for government and urged the private sector to do the same.

"The Community Radio Support Strategy has been finalised and is being implemented. "I am pleased to inform the house that in the 2015/16 financial year the GCIS spent over R26 million on community radio advertising.

"During the 2016/17 financial year, five licensed community radio stations will be provided with broadcasting infrastructure," she said.

The Minister added that work was at an advanced stage as far as finalising the broadcasting policy review process was concerned.

She said some of the overarching and specific objectives of the review are to:

- Create a level playing field for emerging audio-visual media services.
- Protect and empower consumers (audiences), in particular to guarantee key societal values for the protection

of minors and human dignity and promote the rights of visually and or hearing impaired persons.

- Promote South African content to support social cohesion and nation building and safeguard media diversity, pluralism, freedom of expression and information.

"The department's community radio programme is working! The Greater Giyani Municipality partnered with the Giyani Community Radio Station and provided them with premises and advertising support to ensure the sustainability of the station.

"We call upon other municipalities to emulate this gesture, without compromising the editorial independence of the stations," she said.

The Minister added that the department would also continue to publish and distribute the fortnightly *Vuk'uzenzele* newspaper.

She said in the 2016/17 financial year, the department has allocated R25.8 million to produce and distribute 18.7 million copies per year in all 11 official languages.

"We will continue to encourage government departments to place recruitment advertisements in *Vuk'uzenzele*.

"I would like to thank departments that are using this platform to advertise their vacancies and I also encourage others to do so too," she said.

> E tswelapele ho tloha leqephehng la 1 ditleliniki tsohle tsa bophelo bo botle di tlahele boteng ba meriana setsing sa naha sa tekolo ya meriana nakong ya dikgwedi tse tharo tse tlang, e se ntse e le motjheng.

Lefapha le boetse le kentse tshehetsong mmotlolo o hatetseng pele o bitswang Lenaneo le Setsiketsing la Kanetso le Kabo ya Meriana ya Diqobo (CCMDD).

"Lenaneo lena le etsa kgonahalo ya hore bakudi ba tsitsitseng ba nke meriana ya bona seteisheneng se haufi le moo ba dulang teng – ba boloke nako le tjehele.

"Lenaneo lena le boetse le fokotsa nako ya ho emela ho thuswa ditleliniking, ka ho fokotsa mothamo wa bakudi ba tshwanelang ho tla tleliniking," o itsalo.

Letona Motsoaledi o itse ha jwale ke bakudi ba 400 000 ba ngodisitsweng

lenaneong la ho fumana meriana ya bona diteisheneng tse fetang 1 000, ho akga le ditlaleho tse ikamahanyang, ditsi tsa bophelo bo botle, dingaka tsa mafu a akaretsang esita le dikhemese tsa poraefete.

O itse lefapha le rerile ho fihlella bakudi ba 800 000 mafelong a selemo sena sa ditjehele.

"Re boetse re batla ho netefatsa boteng ba tshebediso e tsitsitseng ya meriana. Hofihlela mona, re na le ditataisi tse tlwaelehileng tsa kalafo (di-STG).

"Ngwahola re kgakotse Sesebediswa sa khomphyutha sa ho anetsa ditataisi tsena, ra qala ka di-STG tsa tlhokomelo ya motheo ya bophelo bo botle.

"Sesebediswa sena se fumaneha mahala pokellong ya disebediswa tsa mofuta ona mme e boela e sebetsa leha e sa hokelwa inthaneteng, e le ho thusa baporofeshenale ba tsa bophelo bo botle

ha ba le dibakeng tse tshophodi, moo marangrang a dikgokahanyo a leng mabe kapa a le siyo ho hanghang," o itsalo.

O itse sesebediswa sena se thusa ka qeto e nkuwang moo setsing sa tlhokomelo. Se boetse se na le mosebetsi wa ho tlaheha ka ho fela ha meriana e hlokehang. Ngaka efe kapa efe e setsing sefe kapa sefe sa bophelo bo botle, ha e etsa kgothaletso ya meriana e hlokehang ho mokudi, e ka pepeta konopo e tla tlaheha ka kotloloho Pretoria.

"Ngaka ha e a tshwanela ho nna e lwantshana le botsamaisi ba sepetlele kapa tleliniki, boo e bang bo ka be bo tlahele ka phokolo ya meriana haeba ho ne ho na le botsamaisi bo botle setsing seo.

"Sesebediswa sena se se monyollotswe inthaneteng ka makgetlo a 15 000 Aforika Borwa," o itsalo.


Look out for the new and improved Vuk'uzenzele

Vuk'uzenzele will be celebrating its 100th edition in the next edition on 15 June. So look out for a new fresh look of *Vuk'uzenzele* SOON!

#Vuk100

Did You Know

- The newspaper is available in **Braille, Web & App**
- The 1st edition was published in: **October 2005**
- Number of copies produced: **153.75 million**
- Number of braille copies produced: **50651**
- Number of editions produced: **99**
- Publishing frequency: **Twice a month**
- Number of copies per edition: **850 000**
- Distribution: **All provinces**
- Number of households: **1 645 202**
- Reach: **5.1 million**
- Language: **All official languages**



JUNE EDITION
TWO 2016

NEW
LOOK

Vuk'uzenzele is also available in Braille and on: <http://www.vukuzenzele.gov.za>

Remember to follow us on:

f Vuk'uzenzele

@VukuzenzeleNews

Download App on:



Toropokgolo ya Ekurhuleni e ntlafatsa maphelo

Nonkululeko Mathebula

Toropokgolo ya Ekurhuleni e se e entse kgatelopele e bonahalang ebile e phethisitse ditshepiso tsa yona setjhabeng. Sena se bonahetse Puong ya Boemo ba Toropokgolo, moo taba ya mesebetsi e neng e le ka sehloohong lenanetsamaisong.

Majoro wa Ekurhuleni Mondli Gungubele o ile a ama taba ya diphephetso tseo ho tobanweng le tsona esita le kgatelopele e seng e entswe hofihlela jwale, a ba a bua ka taba ya leqeme la mesebetsi lebatoweng la hae, a netefatsa badudi hore mmuso o lwantshana le sewa sena mme o thea menyetla ya mesebetsi.

“Matsapeng a rona a ho thea mesebetsi le ho fokotsa bofuma, re theile menyetla ya mesebetsi e seng katlase ho 20 000 dilemong tse hlano tse fetileng, le ka diporojeke tsa lekala la setjhaba, re theile menyetla e 52 856 ka Lenaneo la Katoloso ya Mesebetsi ya Setjhaba (EPWP) le Lenaneo la Katoloso ya Setjhaba (CWP).”

O itse makala a moruo ka bobatsi ba wona a thusitse ka ho thewa ha mesebetsi e meng e 148 589 moruong wa lebatowa ka bophara, ka yona nako e tshwanang.

“Ho feta moo, toropokgolo e se e kentse batjha ba 5 000 dikhamphaneng tse fapaneng ka dilekane tsa dilemo tse pedi, e seng feela ho henahenana le taba ya leqeme la mesebetsi ka bobatsi, emp a hape le ho ba tlwaetsa tikoloho

ya mesebetsing ho etsetsa hore ba tle ba hirehe habobebe kamoso.”

KGODISO YA MORUO WA MAKEISHENENG

Ho ikamahanya le ho thewa ha menyetla ya mesebetsi ka botjhabela ba Johannesburg, Toropokgolo ya Ekurhuleni e tjha e tshola e tsosolosa meruo ya makeisheneng ho netefatsa hore dikgwebo tsa makeisheneng di a hlamasela.

Ho fihlella sena, ho se ho theilwe dikgubu tse hlano tse ntjha tsa moruo wa makeisheneng tse akgang Etwatwa, Vosloorus, Duduza le KwaThema, tse tla ja R90 milione ka selemo.

Diporojeke tse ngatanyana tsa boleng ba dimilione tsa diranta di se di filwe boradikonteraka ba thuthuang lebatoweng lena, ka tjhebelopele ya ho theela badudi mesebetsi.

Palo yohle ya dikgwebo tse nyenyane, tse mahareng le tse kgolwanyane tse 128 di se di fuwe tjhelete e kaalo ka R6 milione e tla thusa ho hodiseng dikgwebo tsa bona.

Tsena ke tse ding tsa diporojeke tse entsweng ke toropokgolo mme di bopa karolo ya R2.9 bilione e abetsweng lenaneo la Matlafatso ya Setjhaba la *Mintirho ya Vulavula*.

MATLO A NANG LE SERITI

Majoro Gungubele o bontshitse bohlokwa ba ho netefatsa hore batho ba na le matlo a matle.

“Ho hahamalla ho faneng ka matlo a matle



bathong bohle ba habo rona, matlo a 112 781 a ile a ahwa dipakeng tsa 1994 le 2006.

“Leha ho le jwalo, 14 781 ya wona e ahilwe dipakeng tsa 2011 le 2016 esita le selemong sena se hodimo sa ditjhelete, ka ditjhelete tse fanweng ke Mmuso wa Porofense. Re se ntse

re aha matlo a 471 ho a 526 a lebeleletsweng.

“Ho feta mona, re lokisitse matlo a ka bang 124 758 ka nako yona eo. Mangolo a phethahetseng a boithuelo le a bonga mobu a ile a fuwa batho ba 124 758 ka ho thewa ha makeishene a bodulo a 112, mme malapa a mang a 32 544 a fumane mangolo a boithuelo ba matlo,” ho itsalo Majoro Gungubele.

O ekeeditse ka hore kantoro ya hae e tiisitse meqheleba e fedisang mekhukhu le bodulo bo kamora matlo malapeng, ka ho fa batho matlo a lekaneng.

KEKETSO PHIHLELLONG YA MOTLAKASE

Majoro Gungubele o thasiseditse hore toropokgolo e hoketse motlakase matlong a thuswang ka ditefello a fetang 27 000. E boetse ya hokela mabone a mang a mebileng a 6 972 ho tloha ka 2011.

Ho tsetetswe R1.6 bilione enngwe hape ho ntlafatsong ya marangrang a motlakase wa toropokgolo.

“Jwalokaha marangrang a enoji naheng ena a tswelapele ho hula ka falese, matsapa a rona a ho arabela mona a akga ho hlahisa 300 ya dimekawate tsa enoji e ntjhafatsehang hofihlela ka 2020.

“Ho fihlella sena, toropokgolo e thakgotse Lenaneo le ikemetseng la Tlhahiso ya Motlakase le tla re thusa hore re fumane motlakase mehloding e fapaneng ya enoji e ntjhafatsehang,” ho itsalo Majoro Gungubele.

Merero e meholo ya ho hodisa eThekwini

Thandeka Ngobese

MaAforika Borwa a fola molemo wa matsete a maholo a mmuso a dikaho tsa motheo ka ho aha dikolo tse ntjha, ho kenya metsi, ho hokela motlakase le ho thea mesebetsi, ho tse ding.

Tlhahiso ya mesebetsi, ntshetsopele ya tsebo ya mesebetsi, ntshetsopele ya moruo wa metse esita le kaho ya matlo, di kahodimodimo lenanetsamaisong la Masepala wa eThekwini, ho itsalo Majoro wa Phethahatso James Nxumalo nakong ya Puo ya hae ya Boemo ba Toropokgolo haufinyane.

Majoro Nxumalo o itse tekanyetso ya R41.6 bilione ya toropokgolo bakeng sa selemo sa ditjhelete sa 2016/17 e tla rarolla diphephetso tsa meralo ya motheo, leqeme la mesebetsi, ntshetsopele ya tsebo ya mesebetsi esita le kgolo ya moruo.

“Sekepele se sehloanyane sa tekanyetso ena se tla kenngwa ntshetsopeleng ya moruo wa metse. Re beeletse ka thoko R28 milione ho ntshetsapele lekeishene la Hammarsdale hore e be kgubu ya moruo,” o ekeeditse ka ho rialo.

Makeishene a mang a reretsweng ntshetsopele a akga:

- Isipingo – R17 milione
- Sebaka sa Bohahlaudi sa Umgababa – R32 milione
- Ntlafatso ya Tikoloho ya Umlazi – Sebaka sa ha V – R20 milione
- Setsi se seholo sa Dikgwebo tse Nyenyane tsa Mabone sa Umlazi – R13 milione
- Setsi sa Dikgwebo tsa Masepala sa eMagabheni – R10 milione.

“Ka tekanyetso ena re batla ho bona ntshe- tsopele e hlomaselang, e tla thusa tlhahisong ya mesebetsi. Re batla toropokgolo ya maemo a hodimo lefatsheng, e tla hohela bohahlaudi mme e be sebaka se mofuthu seo ho ka phelwang ho sona. Re batla moruo o matla o tla itjara ka nako e telele, o be o bule- le batjha menyetla ya mesebetsi,” o itsalo.

TLHAHISO YA MESEBETSI LE NTSHETSOPELE YA TSEBO YA MESEBETSI

Toropokgolo e na le bakonteraka ba

dipolambara ba 943 ba sebetsang ka potoloho ho phetha ditshebeletso tse amanang le metsi.

“Hajwale re habile ho hira dipolambara tse ding ho ntlafatsa nako ya ho rarolla mathata. Ho na le balebedi ba ka bang 1 250 ba hirilweng disebedisweng tsa ho hlatswetsa dikepe, mme ba bang ba 50 ba tla hirwa monongwaha jwalokaha ditsi tse ding tsa ho hlatswetsa dikepe di phethelwa.

“Re boetse re na le boradikonteraka ba 366 ba kahara setjhaba, ba hirang batho ba ka bang 1 770 bakeng sa ditshebeletso tsa ho thotha dilahlwang. Lenaneo la Phedisso ya Bofuma la Zibambele le theile mesebetsi e fetang 6 200,” Majoro o ekeeditse ka ho rialo.

POROJEKE YA NTSHETSOPELE YA BOATHISENE

Toropokgolo e tla rupella diathisene tse 10 000 nakong ya dilemo tse tharo. Majoro Nxumalo o itse porojeke e tla fumana ditjhelete dipolokong tse tla etswa tekanyetsong ya ditokiso tsa meralo ya motheo.

“Metsi, dilahlwang tse thata le boinjinere di se di hlwaile R11 milione e tla sebedisetswa lenaneo lena nakong ya selemo se tlang sa ditjhelete. Maikemisetso ke hore diathisene di ntlafatse ditokiso tsa meralo ya motheo ya masepala.”

Majoro o ipileditse ho diyuniti tsohle tse nang le mananeo a ditokiso tsa meralo ya motheo hore di be le seabo porojekeng ena. Porojeke e tla kenngwa ka nako ya dilemo tse tharo mme tshebediso ya tjhelete e tla arolwa jwaana: R223 milione ka selemo sa pele, R260 milione ka selemo sa bobedi le R260 milione ka selemo sa boraro.

NTSHETSOPELE YA BATJHA

Toropokgolo e abetse ntshetsopele ya batjha R77.53 milione selemong se hodimo sa ditjhelete bakeng sa dikgato tse qolletsweng ntshetsopele ya batjha masepaleng ka bophara.

“Maemong a mang, ke lehlakoreng le totobaditsweng la kgaello ya tsebo ya mesebetsi. Maemong a mang, ke dikgatong tsa ntlafatso ya tsebo ya mesebetsi ka kakaretso.

“Dikgato tsena di akga Letlole la Thuso ya Baithuti la Majoro wa eThekwini; baithuti

ba malebela a mosebetsi kapa thupello ya kahare mosebetsing, mananeo a boithuto/ boitlwaetso/ tsebo ya mosebetsi le Tlhahlobo ya Tsebo ya Mosebetsi Setjhabeng ka bobatsi; ntshetsopele le tshehetso ya metjha ya mesebetsi; barupelluwa ba nang le mangolo a thuto e hodimo; baithuti, tshehetso ya makala le mananeo a mang.”

Batjha ba ka bang 2 968 ba lebelletswhe ho fola molemo dikgatong tsena.

“Ngwahola re kgakotse Kantoro ya Batjha ho ela hloko ditaba tsa batjha. Kantoro ya Batjha e abetswe tekanyetso ya R9.9 milione. Tjhelete ena, ho tse ding, e tla sebedisetswa mananeo a ntshetsopele ya batjha, Mmoka wa Batjha Kgwebong, Mokete wa Kgwedi ya Batjha Aforika esita le Tebelo ya Baithuti ba Materiki,” o itsalo.

PHEDISO YA BOFUMA

Palo ya batho ba folang molemo porojekeng ya toropokgolo ya Lenaneong la Dikitjhini tsa Phepo ya ba Futsanehileng le a hola mme toropokgolo e se e hodisitse porojeke ena ho kgahlanyetsana le tlhokeho.

“Ha jwale re na le ditsi tsa Lenaneong la Dikitjhini tsa Phepo ya ba Futsanehileng tse 36, empa selemong sena sa ditjhelete, re tla di eketsa hore di be 54. Ditsi tsena di na le baithaopi ba 353 – bao e leng bakganni ba 36 le baithaopi ba 317.”

Majoro o itse lenane le tla eketswa ho ya ho 486.

NTSHETSOPELE YA MAHAE LE TLHAHISO E LEKANENG YA DIJO

Palo yohle ya tekanyetso ya temothuo bakeng sa toropokgolo ke R27.8 milione. E na le dirapa tsa setjhaba tse 85 tse tsheheditsweng ka menontsha ya tlhaho, khomphouste, ho teratela, ditshelo tseo ho bolokwang ho tsona, matlwana le meralo ya motheo ya metsi.

“Dirapa tsohle tsa setjhaba di tsheheditswe ka disebediswa. Ho ya ka Agriparks, R5 milione e abetsweng ho rera le matlole a mang, e tla sebediswa hanghang ha diphuputso di se di phethetswe,” o ekeeditse jwalo Majoro.

HO THEA TIKOLOHO YA BOLENG YA HO PHELA

Toropokgolo e abetse diporojeke tsa kaho ya

matlo R3.4 bilione ho netefatsa hore baahi ba yona ba fihlella meralo ya motheo ya matlo a matle a boleng.

“Phano ya ditshebeletso tsa kaho ya matlo, tsa motheo le tsa setjhaba e tsamaisana le ho thewa ha bodulo ba batho bo tla nka nako e telele,” o itsalo.

